

Broj: 01-04-13-01485/2022
Datum, 21.03.2022.godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
ZASTUPNIČKI DOM

n/p- tajnik Ivan Miličević

Veza: Vaš akt br. 05/1-02-67/22 od 14.03.2022.godine

bosna i hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 23-03-2022			
Org. jed.	Broj	Priloga	Vrijednost
0511	-02-	67	122

n/p- zastupnica Miomirka Melank

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
GENERALNI SEKRETARIJAT VLADE FBiH
n/p- sekretarka Edita Kalajdžić, mr. sci.

PREDMET: Odgovor na zastupničku inicijativu Miomirke Melank, dostavlja se

Poštovani,

Federalna uprava za inspekcijske poslove zaprimila je dana 16.03.2022..godine, akt gornji broj, koji je zastupnička inicijativa koju je podnjela zastupnica Miomirka Melank prema Federalnoj upravi za inspekcijske poslove, a u vezi angažmana federalne inspekcije rada na kontroli poštivanja Uredbe Vlade Federacije o minimalnoj plati.

U obrazloženju svoje inicijative, uvažena zastupnica je istakla da joj raniji odgovor koji je dobila od ove Uprave, a koji je vezan za njen zahtjev da se izvrši popuna sa dodatnim brojem federalnih inspektora za rad i radne odnose u Federalni inspektorat rada, u skladu sa važećom sistematizacijom, nije razumljiv.

Iako smo uvaženoj zastupnici, u pojašnjenju ukazali na direktnu vezu između obima posla i zakonom utvrđenoj nadležnosti federalnog Inspektorata rada, i da imajući u vidu ove objektivne okolnosti, nema potrebe za povećanjem administrativnog kapaciteta ovog Inspektorata, zastupnici je nerazumljivo da federalni inspektori vrše nadzore samo kod poslovnih subjekata od interesa za Federaciju BiH, kao i da, po njenom shvatanju, Vlada Federacije nema nikakav mehanizam kontrole sopstvenih uredbi.

U tom smislu postavila je novo pitanje, konkretno inicijativu, da joj se odgovori koja je federalna institucija nadležna za nadzor/e nad sprovođenjem odluka i uredbi Vlade FBiH ako nije federalna inspekcija?

Iz obrazloženja inicijative jasno je da zastupnica traži pojašnjenje u vezi nadzora primjene Uredbe Vlade Federacije o novoj metodologiji utvrđivanja iznosa minimalne plate.

U pripremi odgovora na konkretnu zastupničku inicijativu, učešće je uzeo Federalni Inspektorat rada, i u nastavku zastupnicu obavještavamo kako slijedi:

Uredba o metodologiji izračuna i usklađivanja najniže plaće („Službene novine Federacije BiH“, br.106/21) propisuje, da nadzor nad primjenom ove uredbe obavljaju federalni, odnosno kantonalni inspektori rada koji su prema posebnim propisima ovlašteni za nadzor u vezi sa radom i zapošljavanjem, a nadzor obračuna i uplate javnih prihoda vrši Porezna uprava Federacije BiH.

S tim u vezi jasno je, da nadzor nad primjenom ove uredbe vrše i federalni inspektori rada za oblast radnih odnosa i to kod poslodavaca koje su nadležni kontrolisati rukovodeći se posebnim propisom, u konkretnom članom 160. Zakona o radu („ Službene novine Federacije BiH“, br.26/16 i 89/18) kojim se propisuje da federalni inspektor rada obavlja neposredan inspeksijski nadzor u privrednim društvima, preduzećima i ustanovama od interesa za Federaciju.

Od momenta stupanja na snagu ove uredbe Federalna inspekcija rada nije imala pritužbi od strane radnika kod subjekata koje nadzire u smislu da se plaće obračunavaju i isplaćuju suprotno ovom ovom propisu, niti je do sada, u provedenim inspeksijskim nadzorima uočila povrede u smislu uskraćivanja isplate naknade za topli obrok na način kao je to propisano, niti pak isplate mjesečne plaće suprotno Uredbi o metodologiji izračuna i usklađivanja najniže plaće.

Kompanije iz sektora uslužnih djelatnosti koje su od nekih radnika, kako je istaknuto u inicijativi zastupnice, zatražile da radnici potpišu odricanje od toplih obroka i nekih drugih prinadležnosti su u ingrenciji provjere i djelovanja od strane nadležnih kantonalih inspektora rada, o čemu su poučeni svi radnici koji su se federalnoj inspekciji rada obratili, odnosno prijavljivali poslodavce koji su zahtjevali od radnika potpisivanje odricanja od toplih obroka i nekih drugih prinadležnost.

Dakle, ukratko, mehanizam inspeksijskog nadzora nad primjenom uredbi i odluka Vlade Federacije BiH ne treba uspostavljati jer isti već postoji, a pitanje nadzora kod kojih subjekata će se vršiti kontrola primjene bilo odluke ili uredbe Vlade, shodno Zakonu o radu Federacije, utvrđeno je preciziranjem subjekata kod kojih će nadzore vršiti federalna /ili kantonalna inspekcija rada, kako smo to već uvaženoj zastupnici odgovorili.

S poštovanjem,

Dostavljeno:

- 1 x tajnik- Ivan Miličević
- 1 x zastupnica Miomirka Melank
- 1 x sekretarka Vlade FBiH- mr. sci. Edita Kalajdžić
- 1 x a/a

DIREKTOR

M.P. 

Anis Ajdinović

